

Естен кетпес асыл бейнең

Арқалық қаласындағы № 2 облыстық әмбебап ғылыми кітапханасының абонемент бөлімі жиырмамыншы ғасырдағы әдебиет пен мәдениетіміздің белгілі қайраткері, қазақтың көрнекті ақыны, жерлесіміз, Қазақстанның халық жазушысы Мәриям Хәкімжанованың туғанына 115 жыл.

Атаулы күнге орай Нәзипа Құлжанова атындағы Торғай гуманитарлық колледжінің жатақханасының мәжіліс залында «Естен кетпес асыл бейнең» атты әдеби кеші өткізілді. Кештің мақсаты: ақынның шығармашылығын жан – жақты насихаттау, оқырманның поэзияға деген қызығушылығын арттыру, ақынның асыл мұрасын ұрпақтан – ұрпаққа жеткізу. Кеште

М. Хәкімжанованың қызметтік жолдары, сондай-ақ ақынның марапаттары мен жүлделері жайында ақпарат берілді. Ақынның «Мен қазақтың қызымын», «Ана жыры», «Торғай толғауы», «Ұшқан ұям» өлеңдерін студент қыздар Жібек Қонарбай, Гүлсезім Нағашыбай, Динара Баженовалар ақын өлеңдерін мәнерлеп оқыды. Студенттер ақынның кітаптарына қызығушылық таныта отырып, танысып, кітаптарға шолу жасалды.

Мәриям апамыз – аяулы ана, асыл әже. Тек қана өз баласын емес, ақындық жолындағы жастарға ана бола білген Мәриям апамыздың рухына арнап «Ана туралы жыр» әні шырқалып, әдеби шараның маңызын аша түсті. Мәриям апайдың ұзақ жыл бойғы әдебиетке сіңірген адал еңбегі жоғары бағаланып: «Еңбек Қызыл ту», 2 рет «Құрмет белгісі» ордендерімен, бірнеше рет медальдармен марапатталған. Шараны ұйымдастырудың нәтижесінде студент-



тер ақынның өмірбаяны және шығармашылығымен сусындап, өздеріне қажетті көптеген мағұлматтарды алды.

**Г. КАРБОЗОВА,
кітапханашы**